


BREBE DEL

PAPA SIXTO QUINTO

De felice recordacion, por el qual se confirma el Concilio Prouincial que se celebrò en la ciudad de Mexico Metropoli de las Indias, de la Nueva-España, año de mil y quinientos y ochenta y cinco; el qual se imprimio por mandado del Real Consejo de las Indias,



EN MADRID

Año 1626.



SIXTVS PP. V.



AD FVTVRAM rei memoriã Romanum Pontificem, quem Dominus noster Iesus Christus vniuersis Ecclesijs præesse voluit, illarum præsertim, quæ in remotis terrarum Orbis partibus, & sepositis gentium verum Dei cultum ignorantium oris nouiter erectæ fuerunt, decet, curã assiduam gerere, & ea, quæ à Prælatiſ iuxta sacrorum Canonum statuta prudenter constituta fuerunt, ab omnibus inuiolabiliter obseruentur. Exhibita siquidẽ nobis nuper pro parte venerabilium fratrum Archiepiscopi Mexican., & Episcoporum aliorum illius suffraganeorum, & Comprovincialium petitio continebat. Quod cum ipsi pro salubri directione suarum Ecclesiarum, diuini quẽ cultus augmento, & populorum sibi commissorum salute, Sanctorum Patrum, & Concilij Tridentini decretis inhærentes, Synodo Prouinciali indicta nonnulla statuta, & ordinationes edidissent, & ne super illorum recognitione in posterum à quoquam curiosè quæri, aut quouis modò dubitari possit, illa ad nos, sanctamquẽ Sedem Apostolicam, per dilectum filium Franciscum de Bereta Scholasticum Ecclesiæ Tlaxcallen. virum nobilitate, doctrina, & prudentia præstantem, loco vnus ex Comprovincialibus Episcopis, qui ad eam eligendus meritò fuisset, ad nos nominatim destinatum, re ipsa transmiserunt. Cumquẽ Archiepiscopus, & Episcopi prædicti nobis humiliter supplicari fecissent, quatenus
illa

illa recognoscere, & in præmissis opportunè provide-
 re de benignitate Apostolica dignemur. Nos cu-
 ram, & sollicitudinem Archiepiscopi, & Episcoporū
 prædictorū circa gregem Dominicum sibi commis-
 sum, eiusdemquè Francisci fidem, & diligentiam plu-
 rimum in Domino commēdantes, iustisque ipsorum
 desiderijs satisfacere volentes, huiusmodi ordinatio-
 nes, & statuta venerabilibus fratribus nostris S. R. E.
 Cardinalibus, super interpretatione decretorum
 Concilij Tridentini deputatis, nomine & autoritate
 nostris examinanda, & recognoscenda tradidimus,
 qui diligenti perquisitione, & longo examine in præ-
 missis adhibito, illa iuxta formam præsentibus intro-
 clusam eisdem nomine & autoritate recognouerūt.
 Ut igitur ordinationes & statuta huiusmodi autori-
 tate nostra, ut præfertur, examinata & recognita ab
 his, ad quos spectat, ut decet, obseruentur; Archiepisco-
 po, & Episcopis prædictis, & eorum cuilibet per præ-
 sentes committimus, & mandamus, ut statuta, & or-
 dinationes prædictas in Ecclesijs suis solemniter pu-
 blicantes, illa ab omnibus, & singulis, ad quos perti-
 net, etiam cuiusvis Ordinis Regularibus, & exemptis,
 necnon ab Ecclesijs in partibus illis in posterum eri-
 gendis, donec Synodum Prouincialem similiter coe-
 gerint, autoritate nostra faciant inuiolabiliter obser-
 uari: contradictores per sententias, censuras, & pœnas
 Ecclesiasticas, appellatione postposita, compescendo,
 non obstantibus constitutionibus, & ordinationibus
 Apostolicis, & quibusvis illarum partium, & Eccle-
 siarum statutis, & consuetudinibus, etiam iuramento,
 confirmatione Apostolica, vel quauis firmitate alia
 roboratis, statutis, & consuetudinibus, priuilegijs quo-
 que indultis, & literis Apostolicis illis, eorūq; Præsu-
 libus, & quibusvis alijs personis quomodolibet cōces-
 sis, approbatis, & innouatis, quibus omnibus corū

te-

tenores præsentibus pro expressis habentes, hæc vice
dumtaxat, specialiter, & expressè derogamus, cæteri-
què contrarijs quibuscumquè. Et quia difficile esset,
has nostras literas ad singulas Diceceses, & loca illa-
rum partium originaliter deferri volumus, ac decer-
nimus, vt earum transumptis, etiam impræsis manu
alicuius Notarij publici subscriptis, & sigillo alicu-
ius personæ in dignitate Ecclesiastica constitutæ, ob-
signatis eadè, vbiq; in iudicio, & extra adhibeatur fi-
des, quæ ipsismet præsentibus adhiberetur, si origina-
liter ostēderētur, & exhiberētur. Datum Romæ apud
sanctum Petrum sub annulo Piscatoris. Die XXVIII.
Octobris M.D.LXXXIX. Pontificatus nostri, anno
quinto.

Sumptum ex minuta originali Breuium secretorū,
foel. rec. Sixti Papæ V. & collatum concordat.

V. Theatin.

Nos Gregorius Narus Prothonotarius Apostolicus
vtriusquè signaturæ Sanctissimi D. N. Papæ Urbani Re-
ferendarius, necnon Curia causarum Camera Apo-
stolicæ generalis Auditor, Romanæquè Curia Iudex
ordinarius, &c. Vniuersis &c. notū facimus, & attesta-
mur supradictas literas Sixti Papæ V. fuisse per Illu-
strissimū & Reuerēdissimū dominū Archiepiscopū Vul-
pianum Vulpium, Secretarium Breuium, sanctissimi
D. N. Papæ Urbani subscriptas, eiusquè sigillo mu-
nitas, vt super ius apparet, quibus in iudicio, & extra
indubia datur, & adhibetur fides. In quorum fidē, &c.
Datum Romæ die vigesima quarta Aprilis 1626.

Sanctes Floridus causarum
Curia Camera Apostolica Notarius.

